

翮者棲於虛皇臺上自辰及酉而去杭州刺史白居易聞其風而悅之作吳興鶴讚曰

有鳥有鳥 從西北來 丹頂火綴 白翎雪開 遶水一去

緱山不同 噫吳興郡 孰爲來哉 寶曆之初 三元四

齋 當白晝下 與紫雲偕 三百六十 拂壇徘徊 上昭

玄貺 下屬仙才 誰其尸之 太守姓崔

崔公常持黃庭度人道德諸經未嘗曠矣其後以感通之至彌加篤勵去世之時入靖室諱黃庭無疾而化將葬棺輕若空衣焉

### 武昌人醮水驗

道藏輯要

雲笈七籤

卷

井集六

武昌人寓居蜀之青城其邑每歲修竹笈之堰以隄川防水賦稅之戶輪供其役武昌是歲籍在修堰之內邑吏第名分地以授之自冬始功訖歲而畢所受之地當洞水之穴新有漩注其址不立雖運石以塞之負土以實之一夕之後已復深矣主吏疑其神龍所爲也求陀羅尼幢三四尺投於其中侵陷彌甚晝勤夕勞不離其所諸家有緒而獨未定其址頗以爲憂乃備醮醮之禮撰詞以告焉其大旨曰國以人爲本人以食爲先人依神以安甯神依人而變化蜀之田疇旣廣租賦是資所修隄堰二百餘里或小有怠廢則墊溺爲災歲苟不登則飢寒總至人或失所神何依焉况復漂陷爲憂淪胥是懼有一於此則桑盛

不供椒漿莫給春祈秋報何所望於疲民哉當使封畛克完漫  
淫息患地租天賦無曠於循常東作西成克彰於幽贊矣如是  
潔其器用豐其禮物掃地而醮焉是夕夢衆人紛紜擔囊荷囊  
襁嬰攜孺若遷於他所明日投石以實之水乃退涸遂成其堰  
八月之後方復摧陷濬爲洄潭焉

徐翥爲父修黃籙齋驗

高平徐翥漣水人也因官遷於青州貨殖殷贍有子三人其二  
癯殘小者項有肉枷人見所共驚畏翥初銳意求官驕佚自任  
下輦成宴言行事隨欣欣然有凌雲霄之志見二子之疾未甚  
介意及親肉枷之異悒悒不樂道遠喪矣因遊東海山觀中與

道藏輯要

雲笈七籤  
十三

卷

井集六  
八百七

道士話其事道士曰三子之疾非已之過非子之罪蓋宿業所  
鍾爾道門所謂宿業非是疾者前生之業乃先人之罪殃流後  
裔也君家先世當有酷於刑法暴於捶楚爲官不恤牢獄不矜  
囚徒意生法外殘毒害物遂使子孫受其報爾翥泣然流涕曰  
實然先父爲官當則天之朝世亂讒勝誅鋤李氏諸王屠害宗  
室朝廷德望必設法以陷之殘刑以毒之誅勦考掠不勝其毒  
者陷於狴牢死於繫械故不可勝紀如武懿宗來俊臣周利貞  
李義府之徒恩渥隆異回天轉日天下畏之以矜怨慈惠者爲  
懦夫以疆慎忍酷者爲能吏仁憫道息貞正事隳勢使然也先  
父雖位卑威薄時稱能官累案大獄甯無枉抑今日之報信而